

新纂雲南通志卷四十七目錄

地理考二十七

官署四

開化府

東川府

昭通府

各直隸廳州



新纂雲南通志卷四十七

地理考二十七

官署四

附倉庫善堂

開化府

文山縣

知府署 在南門內清康熙七年建雍正志二十三年知府石文晟建三

十七年知府張仲信增建開化府志年久坍塌同治十二年知府陳廷珍

籌款重修光緒志

教授署 在東門外學宮左雍正志清康熙三十二年同知柯鄧牧建開化府志

嘉慶二十三年同知周炳重修同治十二年知府陳廷珍籌款修

葺光緒志

訓導署 在學宮左雍正志原在新街書院旁清康熙三十四年知府李

錫建三十五年訓導張瀛貴改建於教授署側開化府志嘉慶二十三年

同知周炳重修光緒七年分設文山縣學改為縣訓導署光緒志

府庫 在府署內今廢開化府志

府考棚 清道光二十六年知府劉禧祖建於署內同治十二年知

府陳廷珍重建光緒志

知縣署 在西門內即通判舊署清雍正八年修建雍正志道光二十六

年知縣陸葆增修道光志

江那縣丞署 在城東北七十里清道光三年知縣彭大僮建咸豐

六年兵燹燬光緒志

典史署 在縣署右雍正志清雍正八年建開化府志乾隆五十一年典史王鳳



儀重修道光四年典史辜大勳重修道光志

大有倉 在東門外雍正志在東門內原係開化府經營清雍正八年撥

歸文山縣知縣曹國弼添建乾隆六年知縣朱興燕二十一年知

縣謝千子各有添建開化府志同治十三年知府陳廷珍籌款重修光緒志

常平倉 在大有倉內今廢開化府志

義倉 原在府署二堂右清同治十二年知府陳廷珍移建於頭門

內光緒志

社倉 一在本城南門內 一在逢春里馬白下寨 一在安南里

老寨 一在江那里本街 一在新現本寨 一在大窩子本寨

俱清雍正二年建開化府志均於咸豐間兵燹燬光緒志

縣庫 在縣署內今廢開化府志

縣考棚 在西門內即前左營都司署清道光二十一年都司移駐

石榴紅二十六年知縣陸葆繳價改置考棚道光志

養濟院 在西門外有田三分一在昔臘寨一在左母結寨 一在

小河木坎年共收京斗租穀六十八石開化府志經兵燹燬清光緒九年

知府傅鳳颺籌款重修光緒志

棲流所 在西門外有田三分一在法古寨一在平壩寨 一在攀

枝花年共收京斗租穀四十三石八斗開化府志

義材會 清乾隆間庠生吳之澤等三十三人捐銀置產收息施棺

道光二十五年廢知縣趙秉煌復興咸豐六年後因兵燹廢同治

十二年知縣史致準倡捐復興光緒志

開化鎮總兵官署 在南門內雍正志清康熙七年建開化府志光緒六年總兵



楊復東補修光緒志

中營遊擊署 在城內十字街清康熙七年建開化府志同治十二年知府

陳廷珍重修光緒志

中軍守備署 在北門內清乾隆十一年建開化府志同治十二年知府陳

廷珍籌款重修光緒志

左營都司署 左營遊擊署在縣署左雍正志清康熙七年建開化府志乾隆十

九年改爲都司署道光二十一年移右營都司駐防石榴紅以右

營署改爲左營都司署同治元年兵燹燬光緒志

中軍守備署 在西門內清乾隆十一年建開化府志

右營都司署 右營遊擊署在東門內雍正志清康熙七年建開化府志乾隆十

九年改爲都司署道光二十一年移駐石榴紅兵燹燬光緒志

中軍守備署 在南門內清乾隆十一年建開化府志同治十三年知府陳

廷珍修光緒志

汛防把總署 一在石榴紅汛 一在江那汛 一在捏結白汛

一在河口汛 一在石頭寨汛道光志

汛防外委署 一在六詔汛 一在老寨汛 一在樂竜汛道光志以上

俱兵燹燬光緒志

軍器火藥局 在總兵署左開化府志

演武場 在西門外雍正志在城北三里開化府志經兵燹燬清光緒七年總兵

鄧榮升遊擊丁槐修建九年總兵蔡標遊擊黃河洲增修光緒志

安平廳

同知署 在府署右雍正志清康熙六年同知劉訢建三十二年同知柯



鄧牧捐建大堂二堂開化府志嘉慶二十五年改設安平同知署因其舊

同知周炳重加修葺道光二十六年知府劉禧祖改建光緒九年

同知卞庶凝捐廉重修花廳三間光緒志

訓導署 在西門內清光緒七年廳屬三里捐建光緒志

司獄司署 在同知署內清道光元年同知周炳請項新建光緒志

常平倉 清嘉慶二十五年署同知葉申薌詳撥文山縣倉十三間

並添建倉神祠道光志

廳庫 在同知署內今廢開化府志

汛防把總署 一在壩灑汛 一在馬街汛 一在半羊汛 一在

馬達汛道光志

汛防外委署 一在交趾城汛 一在山車汛 一在八寨汛 一

新纂雲南通志

卷四十七 地理考二十七 官署四

四

在扣覽汛 一在天生橋汛道光志以上清咸豐六年均燬光緒志

道光志案舊志載開化府舊制文職各署經歷一在府城驛一在因遠稅課司一在府城俱久裁廢

### 東川府

#### 會澤縣

督學考場 在城內西南隅舊為日新書院清光緒八年奏改設專

棚官紳籌款公建光緒志

案今為縣立第二小學校所在

知府署 在城內東南雍正志在綏甯門內康阜街東川府志清康熙三十九年

隸四川省時建雍正四年改歸雲南知府黃士傑重修德志十二年

知府崔乃鏞增修乾隆三十一年知府義甯修府志

案今為縣政府所在



教授署 在南門內雍正志在藩甸門外文廟右東川府志清光緒八年移建於

文廟左光緒志

府倉 在府署內雍正志

寶東錢局 在東門外即寶雲舊局基址清嘉慶二十二年設續東川府志

久坍塌光緒二年署知府李衍綬重修光緒志

案今已大半傾圮租民居住

京銅局 在寶東局右久坍塌清光緒六年知府蔡元燮重修光緒志

案房屋半已傾圮清季聘日人設化驗鑪一座亦廢置未用

知縣署 在城內即經歷署清康熙三十九年隸四川省時建雍正

十年移經歷於巧家設附郭縣改為縣署雍正志光緒元年知縣崔煥

章三年知縣唐湛春請款重修光緒志

新纂雲南通志

卷四十七 地理考二十七 官署四

五

案署已大半傾圮民國十四年於此設司法署旋廢

訓導署 在文廟右清光緒八年添設縣學移建教授署改建今署

光緒志

者海巡檢司署 在縣東九十里者海雍正志即舊典史署改設續東川府志清

嘉慶十八年知縣蕭大經重建道光志

道光志案舊志有待補巡檢署在縣西九十里則補巡檢署在縣東南六十里今俱裁廢

典史署 在城內縣署左即岳公祠址清道光四年知縣黃觀雲建

續東川府志

案今已改建民房舊署全廢

縣倉 在縣署左雍正志

社倉 一在縣堂左 一在者海典史署 一在巧家經歷署 一



在那姑關帝廟 一在可富村 一在待補 一在則補東川府志

養濟院 在城外東南隅清嘉慶十六年署知府孫仲正倡建續東川府志

郡紳劉君輔捐銀二千七百餘兩置田收穀養老恤孤年久寢廢

同治十年嗣子劉瑩暨郡紳楊盛宗任仕斌呂鎮南暨糧商陳朝

良容朝宗等復捐銀數千添置田地收租養老弱殘廢三百餘人

月給口糧光緒志

案今院存

施棺掩骼會 在城內清嘉慶元年知府屠述濂倡捐置田每年收

租施舍續東川府志

東川營參將署 在城內雍正志

案清季署尚存在近則全盤傾圮地址甚大已出賣民間

新纂雲南通志

卷四十七 地理考二十七 官署四

六

左軍守備署 在城內雍正志即舊中軍署清雍正九年改設續東川府志

案署已傾圮過半為縣議會所在

汛防千總署 在大水塘汛東川府志

汛防把總署 二在府城 一在者海汛 一在則補汛東川府志

軍裝庫 在武廟左東川府志

火藥局 在城西北隅東川府志

演武場 在西門外雍正志清同治五年督學院梁肇煌以棚費重修光緒志

案今已荒廢

巧家廳

同知署 在東門內清嘉慶十六年同知邵翔建同治元年兵燹燬

後歷任補修光緒志



訓導署 在文廟右清光緒八年新建光緒志

經歷司署 在北門內建同廳署光緒志

常平倉 在廳署內續東川府志 兵燹後傾圮未修光緒志

考棚 在廳側清光緒四年同知胡秀山籌款修建光緒志

東川營右軍守備署 在巧家城內兵燹後傾圮未修光緒志

汛防千總署 在索橋汛兵燹後傾圮未修光緒志

汛防把總署 一在本城經歷署右清嘉慶十六年同知邵翔建

一在湯丹汛兵燹後傾圮未修光緒志

汛防外委署 一在弩革汛 一在者那安機租汛兵燹後傾圮未

修光緒志

### 昭通府

新纂雲南通志

卷四十七 地理考二十七 官署四

### 恩安縣

督學考場 在學宮左清光緒八年奏准改設專棚知府楊凌率紳

士等由五屬公捐新建光緒志

巡撫杜瑞聯奏昭通府屬道里窳遠請另設專棚俾士子就近赴

試以恤寒峻摺

竊查雲南昭通府所轄大關魯甸鎮雄恩安永善五屬州縣文武生童向附曲靖歲科並試該郡地處滇邊距曲靖幾千餘里士子往返維艱應試人數甚少是以五屬之中向惟鎮雄永善設有學額前臣到任後復籌辦善後竊以教化之原須先庠序人文之

盛貴在振興是均於各屬呈懇增設學額案內奏請將昭通之大關恩安三屬并安平等屬州縣一體設學定額并聲明應行添設考棚及各學署均由各地方自行籌捐辦理等情仰蒙聖恩俞允并准部覆自光緒九年歲試取進當即轉飭分別遵辦去後茲據

署藩司李德義詳准署迤東道苑文達轉據昭通府知府景維申據大關同知周瑞璧代理魯甸通判謝詩純署鎮雄州知州胡緒昌署恩安縣知縣陳保蘇永善縣知縣安保宸等詳稱昭通郡自兵燹以後士益苦寒赴曲應試道里窳遠雖功名之念切實資斧

之難籌今奉奏准增設學額計昭郡每屆歲科兩試共應取進文武生員一百二十名學校宏開文風可期日盛自應請設專棚俾士子得以就進赴試免致因跋涉而阻其向上之階茲督同各邑紳謝文翹等公同籌議擬請於昭通府城捐建考棚一所由學政

於曲靖考畢即接試昭通仍舊歲科并試其考棚現由邑紳署四川提督唐友耕管帶四川練軍提督李培榮捐資修建至學署舊有公產均不動公款不邀議敘並請免其造冊報銷至應用夫馬及一切經費由該五屬州縣紳士耆民各就地方公款每屆共籌

備銀貳千陸百伍拾兩據各該儒學造冊取具各紳士切結申由該管應州縣府道層遞加結由司核明詳請具奏前來臣覆查無異相應請旨俯准將昭通府屬另設專棚即自光緒九年歲試為始由學臣於曲靖考畢即行接試昭通俾士子得以就近赴考以



免跋涉而恤寒峻至修建考棚各費既係由地方自行捐辦不動公款不邀議敘應請免其造冊報銷其餘安平等廳州縣應建文廟學署各事宜容俟飭催趕緊勘估詳稟至日再行彙核辦理除冊結咨部查核外所有昭通府屬請設專棚緣由謹會同雲貴總督臣劉長佑雲南學政臣盧崑恭摺具陳伏乞皇太后皇上聖鑒訓示謹奏於光緒九年三月二十四日具奏於六月十三日接奉部覆行知奉旨著照所請該部知道欽此

知府署 在西門內清雍正十年建雍正志乾隆三十七年知府蕭日章

增修昭通府志光緒七年知府景維請款補修光緒志

按府署舊址今改為昭通縣政府

經歷司署 在府署東雍正志清光緒八年知府楊凌請款修葺光緒志

教授署 在城內東南雍正志

道光志案舊志有司獄司署在府署西今裁廢

常平倉 在府署左雍正志

寶聚庫 在府署左雍正志

知縣署 在城內西北清雍正十年建雍正志乾隆三十七年知縣饒夢

新纂雲南通志

卷四十七 地理考二十七 官署四

八

銘增修昭通府志

訓導署 在南門內清光緒八年公建光緒志

典史署 在縣署右雍正志

恩安倉 在縣署內雍正志

縣庫 在縣署左雍正志

昭通東川鎮雄鎮總兵官署 在北門內雍正志清同治十三年總兵吳

永安籌款重修光緒志

中軍遊擊署 在鎮署右雍正志

中軍守備署 在中營署右雍正志

存城千總署 有四俱在府城道光志

汛防把總署 四在府城 一在諸仙汛 一在龍洞汛道光志



汛防外委署 一在查拿汛 一在鐵鍋寨汛道光志

演武場 在城外雍正志

鎮雄州

知州署 在南門內雍正志 清雍正十年建鎮雄州志 光緒二十一年知州陳謐請款

增修光緒志

彝良州同署 在州西二百八十里奎鄉雍正志 在彝良城內清雍正九年

年建鎮雄州志

威信州判署 在州北道光志 二百八十里威信雍正志 清雍正六年建

鎮雄州志

學正署 在州署東雍正志 在南門內清雍正六年學正孫應昌建鎮雄州志

府知事署 在州城二百八十里牛街清乾隆四十九年建鎮雄州志

新纂雲南通志

卷四十七 地理考二十七 官署四

九

吏目署 在州署西雍正志 清雍正六年建鎮雄州志

母享巡檢司署 在州東北一百二十里母享雍正志 雍正六年建鎮雄州志

州倉 一在城內 一在彝良 一在長官司 一在同龍溪 一

在扎西 一在牛街 一在羅坎關 一在朽素 一在伐烏

一在銅店雍正志 在州署西鎮雄州志

鎮雄營參將署 在城內新街雍正志 在北門內清雍正六年建鎮雄州志

左軍守備署 在城內雍正志 清雍正九年建鎮雄州志

右軍守備署 在奎鄉雍正志 在彝良城內清雍正九年建鎮雄州志

汛防千總署 一在州城內 一在牛街汛鎮雄州志 清雍正間建道光志

汛防把總署 一在州城 一在伐烏汛 一在威信 一在彝良

奎鄉汛俱清雍正間建道光志



汛防外委署 一在筍西汛 一在羅坎關汛 一在杉樹塊汛

一在洛澤河汛道光志

演武場 在州南三里雍正志

### 永善縣

知縣署 在西門內雍正志 清咸豐間兵燹燬光緒二年署知縣何進賢

籌捐補修光緒志

副官村縣丞署 巡檢司署在縣北六百八十五里副官村雍正志 清雍

正十年改設道光志

教諭署 在西門內雍正志

典史署 在縣署內雍正志

咸甯倉 盈甯倉 俱在縣署內雍正志

新纂雲南通志

卷四十七 地理考二十七 官署四

安豐倉 在縣堂左雍正志

常平倉 一在黃草壩 一在米貼 一在吞都 一在檜溪 一

在副官村道光志

棲流所 在城外清光緒七年署知縣安寶宸捐貲重修光緒志

昭通鎮右營遊擊署 在城內雍正志 清同治十三年移駐米貼總鎮吳

永安籌款修建光緒志

中軍守備署 在吞都雍正志 清乾隆十三年知縣沈彩動項建同治十

三年移駐大霧基總鎮吳永安籌款修建光緒志

汛防千總署 一在縣城 一在副官村清乾隆十三年建道光志

汛防把總署 一在檜溪 一在吞都 一在米貼道光志

演武場 在縣北五里永善縣志



大關廳

同知署 在府北二百八十里雍正志 因兵燹坍塌清光緒九年署同知

謝光燾補修光緒志 十一年周瑞璧重修三堂訪採

案民國改縣費希齡孟孝生及代理知事譚鼎新陳鰲均有培修

知事署 在大關雍正志 年久坍塌清光緒九年署知事嚴雋伸補修光緒志

裁撤後今改為崇實女子學校在縣北城內訪採

鹽井渡巡檢司署 在府北五百里鹽井渡雍正志

考棚 在廳署左清光緒九年同知謝光燾率士民捐修光緒志

常平倉 在廳署內道光志

昭東鎮左營遊擊署 在大關雍正志 在轅門口裁撤後今改為兩級小

學校採訪

新纂雲南通志

卷四十七 地理考二十七 官署四

一一一

中軍守備署 在大關雍正志 在城內西南隅後售為李氏住宅採訪

存城千總署 在西城內後售為吳氏住宅採訪

汛防把總署 一在豆沙關汛 一在雄魁汛 一在濫田壩汛

一在大耆老汛道光志

汛防外委署 四在本城 一在灘頭汛道光志

魯甸廳

通判署 在府南七十里雍正志 兵燹折毀清同治九年署通判盧德裕

籌款修補光緒十年署通判謝元熙捐廉重建光緒志

巡檢司署 在城內清咸豐八年燬光緒志

常平倉 在廳署內光緒志

昭東鎮前營遊擊署 在涼山雍正志 清同治十一年署遊擊涂開科光



緒七年署遊擊李澍先後續修光緒志

中軍守備署 在魯甸雍正志

汛防千總署 在涼山汛清光緒八年遊擊唐明盛請款重修光緒志

汛防把總署 一在本城 一在蘇甲汛 一在涼山汛 一在恩

得宏汛清同治間兵燹燬光緒志

汛防外委署 一在黑魯機汛 一在大黑山汛均於清同治間經

兵燹燬光緒志

### 各直隸廳州

景東直隸廳

督學考場 在府署北即舊開南書院清雍正十二年同知徐樹閱

詳請改建雍正志

### 督學吳應枚景東創建試院記

事有勞一身以安千萬人之身者即毅然行之而不嫌於創難善後更難使議論有餘經費不足縱能便益一時未必能垂法久遠若景東之建立考關則異是景郡處省會西南萬山中幅員廣衍人文不亞於蒙鶴歲科兩試舊附榆城相距十七舍山坡險峻跋歷難阻而新設之鎮沉恩樂及威遠等處又距景二三百里取道開南更為遼遠往返動經月餘余於歲試時目擊生童煎面滿足用殫力瘁思有以佚之而志焉未遠景丞徐君樹閱治六載政通人和與余素未謀面而所見適相合創議改書院為校士所時方伯陳公承制府尹公中丞張公德意方廣開義學以化誨夷鄉為亟務爰善厥請達諸兩臺兩臺以事屬創舉慮其妨民而滋擾也體察至再遂允行先是郡之紳士聞徐君之有是請也耄者感而泣壯者奮而趨幼者權而舞咸以為積一次就試資可作將來永久計齊心合力踴躍赴功不俟終日工費悉備徐君復借鎮沅守章君元佐各率屬捐俸補苴不妨民不動帑相與悉心經營鳩工庀材新其舍館籌其供億行有待居有儲棘垣席舍愜然井然堂堂皇皇而軒軒爽銀川前紫筆峯左峙洵足以灑山水之精華壯文章之氣概矣是役也於兩臺得創制周詳愛民愛士之實意於方伯得樂善不倦之誠於徐君得見義必為之勇一舉而數善備焉余不敏幸得從事其際即炎熇載道千里馳驅懼不獲仰酬聖天子簡畀隆恩敢有越志歟夫移風易俗教學為先景鎮二郡介居襟鬩間地僻而人情樸茂薰陶涵育之功尤不可緩無如道遠費繁赴科者往往畏難中阻什不得一二使者奉命掄才振興文教乃駭分中事可諉為異人任乎矧規模既定經費已充後之泣斯士者尙其不憚辛勤因已成之基而加以培養俾蠻煙瘴雨之鄉敦詩說禮冠蓋相望庶幾無負各當事協謀創始之苦心是則余之所深幸也夫

直隸同知署 在東門內明洪武二十一年建雍正志崇禎末同知倪巽

生重修景東志清康熙間同知薛蓋郭世榮胡向祖繼修舊志嘉慶五年

同知憚變捐貲增建志同治元年燬於賊十三年署同知凌應梧



率邑紳捐貲重修光緒志

經歷司署 在廳署內雍正志 清道光元年經歷郭維城重修經兵燹燬

同治十三年捐修光緒志

教授署 在學宮旁雍正志 在明倫堂後景東廳志

訓導署 在城外東北十字街雍正志

猛統巡檢司署 在府南二百三十里猛統清雍正十年新設雍正志 乾隆

隆五十三年巡檢張日明重修道光志

道光志案舊志有鹽法道經歷署雍正八年設專管景井今久裁廢

景豐倉 景東府景豐倉會典事例

常平倉 豐樂倉 俱在府署左雍正志

積盈庫 景東府積盈庫在府署內雍正志

新纂雲南通志

卷四十七 地理考二十七 官署四

一三

養濟院 在府署南雍正志 在城南久圯清乾隆五十九年署同知恩慶

重修景東廳志

養老育嬰堂 在本城郡紳程含章捐置景東廳志

備棺所 一在本城中坊 一在文德坊 一在左所營道光志

景蒙營遊擊署 在衛城內原係土府舊宅歷為衛所參將署今為

遊擊署清乾隆四十八年詳修景東廳志 兵燹後略修光緒志

中軍守備署 在衛城南清雍正四年建乾隆四十八年詳修景東廳志 兵

燹後移建城內光緒二年請款修葺光緒志

汛防把總署 一在福都汛清雍正五年捐建同治元年火災燬光

緒二年請款補修 一在景谷汛景東廳志 一在仰里汛光緒八年遊擊

薛占元請款修葺光緒志



汛防外委署 在城南二百三十里猛統光緒志

火藥局 在遊擊署左清雍正十二年參將哈尙德建景東志

軍裝庫 在遊擊署前清雍正十二年參將哈尙德建景東志

演武場 在龍泉塘清乾隆元年參將范昉修景東志

內箭道閱武廳 在衛城內清乾隆五十三年遊擊固甯阿建景東志

道光志案舊志載景東府舊制文職各署驛一在板橋久裁廢

### 蒙化直隸廳

直隸同知署 在西門內正街即舊分守道署明正統十四年建府

署於城西北傾圮崇禎間遷今署清康熙三十五年同知蔣旭重

修雍正志同治十一年賊踞城燬光緒四年同知夏廷燮重修光緒志

經歷司署 在府署右雍正志久坍塌清光緒四年經歷趙不重修十年

新纂雲南通志

卷四十七 地理考二十七 官署四

一四

經歷張煜安重修光緒志

教授訓導署 在學宮左右清同治間兵燹燬光緒志

南澗巡檢司署 在府東南九十里南澗即新裁定邊縣典史署雍正志

在府東南一百三十里蒙化志

瀾滄江巡檢司署 在府西南一百四十里瀾滄江雍正志

漾濞巡檢司署 在府西北一百九十里漾濞雍正志

大積倉 蒙化府大積倉會典事例

積貯倉 在城內東北雍正志清康熙十一年同知張善化改建蒙化志光緒

十年同知方士銘重修光緒志

社倉 一在本城 一在瀾滄 一在漾濞 一在南澗 一在雲

川 一在白川蒙化志



文錫倉 在城內清康熙十八年郡紳公建置有地畝每遇凶歉減

價難賣以平米價蒙化廳志

府庫 蒙化府濟用庫在府署內今廢雍正志

公館 一在本城 一在城北三聖庵蒙化廳志清咸豐七年均燬一在合

江舖 一在漾濞驛光緒間同知夏廷燮先後重修光緒志

養濟院 在北門外久廢蒙化府志

掩骼房 原在老馬塘郡人孫嗣勳建今改建於綿溪橋西北久圯

蒙化廳續志

遊擊署 在城內清同治十三年巡撫岑毓英奏准移提標右營遊

擊駐蒙化光緒八年以舊千總署改置遊擊署同知張恩洪署遊

擊張以仁重修光緒志

新纂雲南通志 卷四十七 地理考二十七 官署四

一五

守備署 尙未建光緒志

汛防千總署 在本城道光志

汛防外委署 在定邊汛道光志

演武場 清咸豐七年燬光緒志

道光志案舊志載蒙化府舊制文職各署縣一在定邊城內今裁廢

### 永北直隸廳

直隸同知署 知府署在城內西南隅即舊北勝州署明萬曆間建

清康熙三十八年改州為府署仍舊雍正志三十九年知府李楷重修

乾隆十三年知府林緒光二十九年知府陳奇典繼修永北府志三十五

年改府為廳署仍舊五十八年同知王以清修嘉慶二十五年署

同知張懋田道光元年同知牛暹繼修同治九年被賊折毀今借



書院爲署光緒志

道光志案舊志有同知署在城內鐘樓西今裁廢

舊衙坪經歷司署 在舊衙坪清道光元年建道光志

教授署 在學宮東雍正志清康熙三十九年知府李楷建道光志

訓導署 在城內東街雍正志知府李楷建訓導朱嗣趾修清乾隆二十

一年訓導劉清重修均經兵燹燬光緒緒

金江知事署 原在城東門內清乾隆二十九年移駐金沙江在金

江街署知事陳如璋建永北府志四十三年知事王述炳修久坍塌光緒志

司獄司署 經歷司署在城內十字街即舊吏目署雍正志清乾隆九年

署經歷陳金涵修永北府志道光元年改爲司獄司署道光志

廳倉 北勝州充實倉一在署東 一在署後 一在九蓮寺 一

新纂雲南通志

卷四十七 地理考二十七 官署四

一六

在清水驛 一在片角雍正志 一在金官 一在溪納俱清乾隆十二

年知府林緒光詳建永北府志

社倉 一在本城 一在清水驛 一在金江 一在中州 一在

金官 一在溪納永北府志

養濟院 一在北門內總兵柳時昌置 一在東門外東嶽廟旁郡

民田金鑲置永北府志

普濟堂 在南門外堡門旁知府石去浮置清乾隆三十年知府陳

奇典重修永北府志

永北營參將署 在東門內即舊永北鎮中營遊擊署清康熙三十

一年建乾隆十三年重修三十五年改爲參將署道光志

遊擊署 清同治十三年移提標右營遊擊於蒙化城光緒八年同



知張恩洪請以千總署改遊擊署領項重修光緒志

左軍守備署 在城內東街即舊中營守備署清康熙三十一年建

乾隆三十年重修三十五年改設道光志

右軍守備署 在阿喇山汛原在城內東街即舊右營守備署清嘉

慶七年移駐阿喇山今仍舊道光志

汛防把總署 一在永甯府汛 一在蕩蕩州汛 一在阿喇山汛

一在下金江汛 一在苗力汛道光志

汛防外委署 一在子里江汛 一在魚鮓江汛 一在阿喇山汛

一在片角汛 一在上金江汛 一在習甸汛 一在南陽廠

汛 一在大水井汛 一在巴喇汛道光志

演武場 一在城南郊 一在城西永北府志清咸豐間均燬光緒志

鎮沅直隸廳

直隸同知署 知府署在城內原係土府署清雍正五年改建今署

雍正志在馬容山麓乾隆三十五年改為知州署三十九年知州汪丙

謙請帑重修道光志四十一年知州姚士琅重修年久傾圮光緒三年

同知李應棠籌捐重修光緒志

按版井鹽課大使署 在府南五里按版井雍正志今因水衝坍塌改住

茂慶井光緒志

教授署 教授署在城內雍正志在南邱井清光緒八年教授張鎰率兩

庠諸生倡建十年教授陳永譽捐修十一年教授關峻增修光緒志

訓導署 在學宮右清光緒八年訓導劉子莊率兩庠諸生捐建光緒志

吏目署 經歷司署在城內雍正志在州署前偏右清乾隆三十五年改



為吏目署五十二年吏目吳雲若重修道光志

新撫巡檢司署 在新撫里道光志

大倉 鎮沅府永凝倉在府署左雍正志

新撫倉 在新撫里雍正志

汛防千總署 在州署南清嘉慶十年增建道光志

汛防把總署 在南門內千總署前清嘉慶十年增建道光志

汛防外委署 在新撫汛道光志

光緒志案舊志有普洱鎮左營守備署在城內今裁廢

演武場 在城外兵燹燬光緒志

公防恩樂經歷司署 恩樂縣署在城內原係土司舊署清雍正六年增修雍正志

道光二十一年改恩樂知縣為鎮沅分防恩樂經歷署

新纂雲南通志

卷四十七 地理考二十七 官署四

一八

仍其舊光緒志

### 廣西直隸州

督學考場 在城內清康熙四十四年撤舊學署改建雍正志咸豐二年

知州吳維鼎倡捐修葺同治十年開化鎮總兵邑人張保和捐貲

重修光緒志

### 郡人李鵬舉考棚記

國家建學校以儲人材三載賓興歲科兩試特簡學使考校生童例於各府設立校士之館廣西一郡所屬僅彌勒師宗二州前與激江合棚歷有年所然自廣至激越數百里山川險阻跋涉維艱生童寒苦者多應試甚難爰於康熙丙戌年三學具呈兩院題請分棚蒙恩准請並以廣南附焉於是三學紳士人等按名捐貲三千餘金修建考場共若干所凡木植輒瓦丹堊一切車力人工諸生自辦不動公帑一絲不勞地方一人閱今三十餘年士無行路之苦官無赴送之勞是以文風日闢誠盛事也但往來貴顯既多借寓以致新木毀傷恐歲遠年深竟為公物踐踏廢壞必須重修遺累官民竊為憂之特請勒石於堂詳其顛末庶不致忘成始之艱而世享其澤云爾

直隸知州署 知府署在城內明洪武二十三年建清康熙間知府

萬裕祚遲斫繼修雍正志乾隆三十五年改為直隸州署嘉慶二十三年



年知州福麻重修同治九年廖鼎聲重修

光緒志

五營州判署 通判署原在府署內明嘉靖間裁廢萬曆間復設駐

龜山東麓後移入城內行署清雍正五年以五營夷人讎殺建署

於官寨彈壓雍正志乾隆三十五年裁歸曲靖府屬四十二年改為直

隸州判仍歸廣西州統轄署仍其舊五十一年州判謝得奎重修

道光志咸豐六年燬於兵同治十二年州判王秉淵勸捐興修

光緒志

學正訓導署 未設寄居考場內遇試移居民舍雍正志清乾隆間教授

李雲程詳請以舊巡道行署改設學署學正訓導同居今坍塌

道光志

吏目署 經歷司署在府署左雍正志清乾隆三十五年改為吏目署今

移建於州署前道光元年吏目張兆梅重修今傾圮

光緒志

廣豐倉 廣西府廣豐倉在府署內

雍正志

新纂雲南通志

卷四十七 地理考一十七 官署四

一九

錢局倉 在巡道行署右清乾隆二年建

廣西府志

社倉 一在火神廟 一在城東東華寺 一在城南大逸圃 一

在城西乍街舖 一在城北新安村 一在永凝村

廣西府志

以上均於

清咸豐間經兵燹燬

雍正志

廣豐庫 廣西府廣豐庫在府署內

雍正志

養濟院 在西門外雍正志一在城隍祠後經歷毛應元重建

廣西府志

久圮清

光緒七年改建為昭忠祠

光緒志

廣西營遊擊署 廣羅協副將署在東門內

雍正志

清乾隆四十七年裁

協改營即為遊擊署同治十二年遊擊李崇魁重修

光緒志

中軍守備署 中軍都司署在南門內

雍正志

清乾隆四十七年改為守

備署同治五年守備張有能重修

光緒志



演武場 在東門外雍正志 清同治間總兵張保和重修光緒六年遊擊

梁松生請款增修光緒志

### 師宗縣

知縣署 在州署在西城內明洪武二十三年建寇燬清康熙十二

年重建雍正志 乾隆三十五年改為知縣署四十七年知縣屠伸重修

道光志 咸豐間兵燹坍塌光緒元年署知縣呂瑋補修九年知縣黃毓

全增修光緒志

邱北縣丞署 州同署在州南四百里邱北清雍正七年新設雍正志 乾

隆三十五年改為縣丞署五十年縣丞姚炳重修道光二十年改

為邱北縣署光緒志

教諭署 在州署右雍正志 即舊學正署道光志

新纂雲南通志

卷四十七 地理考二十七 官署四

一一〇

訓導署 未設雍正志

典史署 吏目署在州署左雍正志 清乾隆三十五年改為典史署五十

一年典史范來鶴重修道光志

縣倉 一在州署內 一在阿保寨 一在邱北雍正志 以上俱因兵燹

坍塌未修光緒志

養濟院 在北門內雍正志

汛防把總署 在東門外道光志

汛防外委署 在架哈汛道光志

演武場 在城外道光志

### 彌勒縣

知縣署 知州署在城內明洪武二十二年建後圯清康熙十一年



重建雍正志乾隆三十五年裁州改縣遂為縣署道光元年知縣陳王

謨重修道光志年久坍塌光緒九年知縣胡以遠補修光緒志

教諭訓導署 學正訓導署俱在南城內清康熙三十七年知州魏

純智建今坍塌雍正志

竹園村巡檢司署 在城南七十里竹園村清乾隆十八年設係自

賃房居住道光志光緒九年巡檢邱鍾乾領款新建光緒志

典史署 吏目署在州署內雍正志清乾隆三十五年改為典史署五十

六年典史楊堯夫重修道光志

豐盈倉 在州署內雍正志

常平倉 一在東城內 一在西城內 一在竹園村 一在十八

寨雍正志

社倉 一在州城 一在竹園村 一在拐甸 一在十八寨廣西府志

縣庫 在州署內大堂右廣西府志

察院公館 在西關內雍正志清康熙十年知州李廷春捐俸重建今為

駐防權署彌勒州志

公館 一在十八寨 一在午街舖 一在革泥關知州王希聖建

一在竹園村 一在拐甸 一在火莫龍俱久圮彌勒州志

養濟院 在東門外久圮雍正志

汛防千總署 在西關內係舊察院公館今千總借居道光志

汛防外委署 在竹園村今存道光志

演武場 在西城外廣西府志今仍舊道光志

道光志案舊志載廣西府舊制文職各署司獄一在府署內州一在維摩城內巡檢司一在彌勒南二百八十里捏沼驛四一在府城一在維摩一在曲部一在阿母今俱裁廢 又舊志載廣西府舊制武職各署明制設十八寨守禦千戶所順治十六年改為千



邱北縣

知縣署

在城內舊為邱北縣丞署清道光二十年改置知縣署

光緒志

訓導署

在學宮側清道光二十一年移師宗訓導駐邱北紳士公

建

光緒志

典史署

在縣署右今傾圮

光緒志

社倉

一在縣署旁

一在日者鄉

一在樹皮

廣西府志

養濟院

在城外清同治九年知縣林彭齡重修

光緒志

汛防把總署

一在城內

一在架哈

一在馬恆

一在樹皮

一在何革清咸豐間經兵燹燬

光緒志

武定直隸州

直隸知州署

知府署在東門內即巡按舊署原在五鳳山之東明

嘉靖間遷城隆慶四年建於西門內明末營將借居改遷今署

雍正志

在城東北隅清康熙二十七年知府王清賢增建

武定府志

年改為知州署五十六年知州周馬文重修

道光志

光緒元年知州郭

懷禮請款補修

光緒志

道光志案舊志有同知署在府東北一百六十五里撒甸經歷司署在城內東隅教授訓導署俱在西門內同知舊署附郭和曲州署在城內東南隅吏目署在州署左今俱裁廢

學正署

即舊和曲州學正署在舊學旁

雍正志

訓導署

即舊和曲州訓導署在西門內同知舊署

雍正志

兩學署清光

緒三年知州郭懷禮移建於文廟左右

武定州志

吏目署

在州署內清乾隆五十年吏目高懿龍重修經兵燹燬光

緒元年知州郭懷禮請款重修

光緒志



金沙江巡檢司署 在府西二百六十里金沙江雍正志 清乾隆五十五

年巡檢王馨重修道光志

州倉 和曲州大官倉府城倉和曲州倉五一在署左 一在署右

一在舊學右 一在高橋中所 一在插甸阿歹村雍正志

常平倉 在城內雍正志

常用庫 武定府常盈庫和曲州豐盈庫在府署內雍正志

公館 在城內東北清康熙二十七年知府王清賢建雍正志

養濟院 在東城外雍正志 清康熙二十五年知府王清賢捐俸修建武定府志

光緒三年知州郭懷禮捐廉重修光緒志

普濟堂 清光緒元年知州郭懷禮捐廉重修光緒志

掩骼會 在本城士民捐置有田在撒馬邑者則塊今仍舊光緒志

武定營參將署 在西門內即知府舊署雍正志 清康熙二十一年建因

兵燹燬今改為文廟光緒元年知州郭懷禮詳請遷修於和曲州

故址光緒志

中軍守備署 在城內今移駐撒甸雍正志 原分防撒甸汛今寄居城內

西隅道光志

汛防把總署 一在城南七十里雞街汛 一在城西七十里大麥

地汛道光志

汛防外委署 在虛仁驛汛道光志

演武場 在南門外今廢雍正志

元謀縣

知縣署 在城內高坡明永樂元年設流建嘉靖間賊燬清康熙間



知縣羅綸馬之鵬王宏任繼修雍正志乾隆五十年知縣譚掄重修道光志

咸豐十年西逆踞城燬光緒四年知縣楊炳垣率紳民籌捐移建

於馬街左鹽局光緒志

教諭署 在明倫堂右雍正志

訓導署 在教諭署左雍正志

典史署 在縣署內雍正志舊在縣署右居學宮前清康熙三十五年典

史張祝重建四十六年知縣王宏任移於城之西南隅即今署也

元謀縣志乾隆五十二年典史熊文昱重修嘉慶十八年典史蔣名芳重

修道光志

南北倉 在縣署左雍正志在縣署儀門外南北各三間元謀縣志

常盈庫 元謀縣常盈庫會典事例

新纂雲南通志

卷四十七 地理考二十七 官署四

一四

養濟院 在城東南隅武定府志

掩骼所 在馬街士民捐設因兵燹燬光緒志

汛防把總外委署 一在金江汛 一在姜驛道光志

演武場 在城外道光志

祿勸縣

知縣署 知州署在城內正中明洪武二十二年建雍正志知州石得恆

李廷宰先後修建祿勸州志清乾隆三十五年改為知縣署咸豐八年西

逆焚燬同治間知縣鍾念祖劉賜齡黃翰繼修光緒二年知縣孟

不榮增修光緒志

教諭訓導署 學正訓導署俱在州署後雍正志清光緒七年知縣孟不

榮請款重修光緒志



典史署 吏目署在州署右雍正志清康熙二十六年吏目楊錫佑修建

武定府志乾隆三十五年改爲典史署四十九年典史章炳重修道光志經兵

燹燬光緒七年知縣孟丕榮請款修建光緒志

縣倉 一在東門內 一在北門內雍正志 一在縣署右祿勸縣志

儀仗庫 在州治右武定府志

養濟院 在城東清道光間士民公建經兵燹燬同治九年知縣沈

基源建草舍三間十年火燬未修光緒志

掩骼所 在本城士民捐置產業生息備棺施送道光志

汛防把總外委署 一在撒甸汛 一在普渡河汛道光志

演武場 在城外道光志

道光志案舊志載武定府舊制文職各署推官一司獄一俱在府署內又巡檢司五一在普渡河一在小甸關一在龍街關一在乾海子一在羅摩耳又驛四一在和曲一在虛仁一在姜驛一在環州今皆裁廢又舊志載武定府舊制武職各署明制設武定守

新纂雲南通志

卷四十七

地理考二十七

官署四

一一五

禦千戶所在府城順治十六年改爲千總康熙六年裁廢

元江直隸州

直隸知州署 知府署在北門內原在城內德化坊清順治十六年

建康熙三十七年改建今署雍正志在城西即舊府治元江州志同治三年兵

燹燬十年知州劉鳳苞請款修建光緒六年知州傅鳳颺請款增

修光緒志

道光志案舊志有經歷司署在府署內今裁廢

學正署 教諭署在學宮左雍正志久坍塌今賃民房居住道光志

道光志案舊志有訓導署在明倫堂左今移駐普洱府

吏目署 在城內元江州志清乾隆四十四年吏目趙宜琦重修嘉慶十八

年吏目張聰甘又修道光志光緒四年知州周範籌款重修光緒志



因遠巡檢司署 在因遠元江州志清嘉慶二十四年巡檢龔可焯重修道光

開豐倉 元江府開豐倉永豐倉在土官舊署雍正

常平倉 在州署內元江州志

社倉 一在城內大稅房 一在因遠巡檢司前清道光三年知州

廣裕重修元江州志

廣積庫 元江府廣積庫會典事例

公館 在府東三十里三家雍正今改建於青龍廠元江州志

元江營參將署 元江營遊擊署在城內即舊元江協副將署雍正今

改爲參將署清道光二十八年改元江營爲元新營仍以原設參

將駐紮光緒

中軍守備署 在城內元江州志

新纂雲南通志

卷四十七 地理考二十七 官署四

一六

汛防把總外委署 一在豬街汛 一在馬鹿汛 一在老烏汛

一在因遠汛道光

火藥局 在城西北元江州志

演武場 在城北經兵燹燬雍正清光緒五年知州韋承勳重修光緒

新平縣

知縣署 在北門內明萬曆十九年建雍正原在舊城崇禎七年改城

八年知縣秦元穗建署在今城北門內十年知縣郭秉忠復於二

堂後建樓三間名曰籌邊樓清乾隆二十年知縣辜文元重修五

十年知縣龐兆懋重建後樓五十四年知縣盧昌時建東花廳道

光四年署知縣李誠重修籌邊樓新平縣志光緒三年知縣秦述先籌捐

復修九年知縣韋相堂增修光緒



署知縣黃巖李誠重修籌邊樓記

甲申之夏予奉檄代庖新平新為蠻服立邑於山之陬入其署頽廢不堪堂之後有主樓三間傾圮尤甚前之官斯土者悉用為廚廢之需塵埃朽腐臭穢難近余顧之慨然命僕夫蠲除之竝檢閱殘缺舊志得前明王立相所為籌邊樓記者因恍然曰此樓即其留遺也考新平舊為土蠻竊據明萬曆十九年副總兵鄧公子龍領兵破敵軍山平該桃箐焚白改寨掃麻栗灣既定羣蠻建邑於今城西南五里崇禎七年遷今地至十年城郭宮室粗定規模邑侯郭公秉忠建斯樓顏曰籌邊蓋不忘肄武之意迄今百八十有七年中間興廢不常乾隆五十年邑侯龐公兆懋又鼎新之今又四十年矣守土者不能時為補葺宜其荒落如斯也歲九月乃命鳩工庀材朽者易之缺者補之登登馮馮棟宇不改而氣象煥然一新同事者以名請予曰方今聖天子德威遠播羣蠻服昔之自相雄長者今皆設官置吏則無邊之可言矣昔之日事跳梁者今皆納賦供役亦無邊之可籌矣雖然有守土之責者民無衣食不可不有以籌之士無教化不可不有以籌之莠民不可不籌所以去之良民不可不籌所以安之則登斯樓者易籌邊而籌治亦正不可以無籌况撫綏之道柔懦者懷以恩彊梁者示以威則籌治之法其與籌邊將毋同即以籌邊顏斯樓名仍其舊而治則維新且深有合於聖人持盈保泰安不忘危之至意也客曰是不可以無記即錄斯語以記之

教諭署

在學宮左

雍正志

在明倫堂後

新平縣志

清光緒四年知縣王祖詒率

紳民捐貲修建六年知縣馮克觀教諭張廷槐籌款增修

光緒志

道光志案舊志有訓導署在西門內今久裁廢

揚武壩巡檢司署

在縣北九十里揚武壩

雍正志

在縣東南九十里清

乾隆二年建

新平縣志

四十二年巡檢周向宸重修

道光志

五十七年巡檢高

新纂雲南通志

卷四十七 地理考二十七 官署四

一一七

棠重修嘉慶十八年巡檢梁鎮瀾重修道光四年巡檢葛應基又

詳請修理

縣志

典史署

在縣署左

雍正志

明崇禎間建清嘉慶二十五年典史朱東銓

重修

新平縣志

年久傾圮光緒三年知縣秦述先籌捐興修

光緒志

常平倉

新平縣永豐倉在縣署內

雍正志

新庫

新平縣新庫

會典事例

新營營遊擊署

新營營參將署在西門內

雍正志

清康熙三十八年建

乾隆四十八年參將德克進布重修嘉慶十一年改為遊擊署

新平縣志

道光二十八年裁遊擊以臨元鎮左營守備移駐遊擊署兵燹圯

塌同治九年守備李世康籌捐重修

光緒志

中軍守備署

在城內西南

雍正志

改置千總署今傾圮借住南門樓

道光志



汛防把總外委署 一在城東南九十里揚武壩汛清光緒五年把

總普維銘率士民重修 一在城西南一百五十里舍疊竜汛光

緒六年把總孟敬聖籌款重修 一在城西北九十里慢干壩汛

今圮寄居武廟 一在城西一百五十里舊哈汛久圮移寓夏賽

街光緒志

演武場 在城東南四里清康熙五十一年參將馮西生建新平縣志同治

十年守備李世恩重修光緒六年千總韓國秀增修光緒志

參將陝西馮西生新建演武廳記

蓋開朝廷設餉養兵以資捍禦要在教之於平時方可用之於一旦而訓練維殷其首務也新營一營舊設備升制兵五百駐紮曙  
峨縣城而新平乃分防焉迨後魯魁構釁結怨無休於己卯之歲添設參將一員增兵五百移駐新平適中彈壓迄今十有餘年民  
登祚席商樂坦途建議諸憲造福地方匪淺鮮矣其間官署營房漸次可觀惟教軍之地極其狹隘余承乏至此即留心踏訪無地  
可擇鬱鬱斯衷越二載矣始據著舊稟稱城東舊有教場一處緣分防人少久經曠閑致鄰近鄉愚開墾為田竊恐報墾輸糧故未  
違理論焉余聞之不勝駭異夫有兵即有場理勢所必然也我皇上費無限金錢以養精壯豈肯為升斗之輸將而曠廢一營之士  
卒乎茲以千人之衆置於數武山坡習鎗猶可而欲其布陣行營分合動變何所措施况今煌煌功令日嚴武備安可因循情面甘

新纂雲南通志

卷四十七

地理考二十七

官署四

一一八

踏廢弛遂言之署縣劉侯秉公查訊翻閱糧冊尚未報附實徵傳集鄉保踏看舊址如前隨據鄉民訴稟前來某有祖遺糧田一段  
向奈高原旱涸歲多不收遂成老荒隙地北自桃源牆隴南抵通衢自西徂東闊一十七丈願以償補所墾用充訓練之場余姑念  
閱歷日久業經成田既使操演有地俾士卒知方似可寬其已往因悉聽劉侯主裁立案概置不問焉爰倡合營官弁人等捐輸財  
力擇吉興工創建演武廳三間捲棚三間茶房三間其地有高阜者平之低凹者培之庶幾秣馬厲兵振威揚武皆有所資藉焉其  
有未備以俟後之君子

黑鹽井直隸提舉司

鹽課提舉司署 在井西金泉坊明洪武二十五年建雍正志清咸豐九

年兵燹燬同治十一年署提舉郭時郁補修光緒志

鹽課大使署 在井東雍正志舊在東山穿口後廢今移至德政坊玉璧

山下楚雄府志

阿陋猴井鹽課大使署 在井東南一百二十里阿陋井雍正志清乾隆

四十六年大使王化樞重修道光志

道光志案舊志有復井大使署在井北五里今廢



訓導署 在井北係定遠縣訓導分駐雍正志經兵燹燬光緒志

琅鹽井直隸提舉司

鹽課提舉司署 在井北明初為鹽大使署天啓三年移安甯提舉

於此改建今署雍正志清康熙間提舉來度沈鼎周蔚繼修琅鹽井志乾隆四

十七年提舉王建溥重修道光志經兵燹折毀同治十二年提舉周賢

球請款重建光緒元年移駐石膏井光緒志

道光志案舊志有鹽大使署在司署北乾隆十一年裁廢

訓導署 在司治內係姚州訓導分駐雍正志兵燹燬光緒志

鹽倉 在司堂左右琅鹽井志清咸豐九年被賊焚燬今就儀門以作存鹽

之所光緒志

惠窮倉 社倉 竝在北極宮後琅鹽井志

新纂雲南通志

卷四十七 地理考二十七 官署四

一一九

生生館 即育嬰堂在玉帶橋西清雍正八年提舉謝球重建雍正志

養濟院 在玉帶橋北清雍正二年井生張伯斌妻張氏捐建為養

生房乾隆元年提舉李國義詳明改為養濟院琅鹽井志嘉慶十五年井

紳楊時行捐修道光志

養生房 在南門旁清乾隆十八年井生田文倡建琅鹽井志嘉慶十五年

井紳楊時行捐修俱經兵燹燬光緒志

白鹽井直隸提舉司

鹽課提舉司署 在井西北隅榮春坊明洪武十六年建嘉靖間提

舉劉璣萬曆間提舉劉元泰繼修雍正志清乾隆四十三年提舉郎嘉

卿重修道光志兵燹傾圮同治十年提舉金銑光緒五年提舉李應棠

先後籌款重修光緒志



鹽課大使署 在井東南隅雍正志 在提舉司署左姚州志 清乾隆二十三年

大使陳天章捐修白鹽井志道光間大水傾圮寄寓龍吟書院今移駐喬

后井光緒志

安豐井鹽課大使署 在東山下清乾隆六年姚安知府施坦啓建

提舉高錦重修二十年提舉郭存莊增修白鹽井志

訓導署 未設寄居張公書院係大姚縣訓導分駐雍正志 兵燹燬借寓

於提舉案牘祠光緒志

常平倉 在司署右清乾隆十九年改建白鹽井志

恆足庫 在司署內雍正志

普濟堂 在觀音井南關外清乾隆間署提舉葛慶曾倡建白鹽井志 咸同

間兵燹燬光緒志

養濟院 在舊井竈戶沖關內清乾隆間提舉郭存莊捐建今燬白鹽井志

石膏井直隸提舉司

鹽課提舉司署 在靈源宮右傍清光緒元年以琅井提舉司移駐

石膏井光緒志

大使 分住磨黑井署尙未建光緒志